



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«25» սեպտեմբերի 2018թ.

ք. Երևան, Ա. Դավթի 87Ա

ՈՐՈՇՈՒՄ N 3433-Շ

ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Կարինե Սամվելի Մխիթարյանի և Ռոբերտ Արամի Գյոթգյանի վերաբերյալ վարչական վարույթի նյութերը
ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Կարինե Սամվելի Մխիթարյանի (անձնագիր՝ AA0337503, հասցե՝ ք. Երևան, Բուզանդի 91 2. 15 բն.) և Ռոբերտ Արամի Գյոթգյանի (անձնագիր՝ AA0366583, հասցե՝ ք. Երևան, Բուզանդի 91 2. 15 բն.) հարկային պարտավորությունների գծով համապարտ պատասխանատվություն կրելու կարգով չկատարված պարտավորությունը 28.02.2018 թվականի դրությամբ ԱԱՀ-ի գծով կազմել է 17.262.764 դրամ, որից ապառք՝ 6.776.355 դրամ, տույժ՝ 3.710.054 դրամ, տուգանք՝ 6.766.355 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ Կարինե Սամվելի Մխիթարյանի և Ռոբերտ Արամի Գյոթգյանի չկատարված հարկային պարտավորությունները գանձելու վերաբերյալ վարչական ակտ ընդունելու նպատակով, որի մասին Կարինե Սամվելի Մխիթարյանը 01.09.2018 թվականին պատշաճ կերպով ծանուցվել է, սակայն վճարումներ չի կատարել, չի ներկայացել վարույթի նյութերին ծանոթանալու համար և նշվածի վերաբերյալ որևէ բացատրություն, առարկություն չի հայտնել, իսկ Ռոբերտ Արամի Գյոթգյանին ուղարկված ծանուցագրի հետադարձը դեռ չի ստացվել ՀՀ պետական եկամուտների կոմիտեի իրավաբանական վարչություն:

Արդյունքում սույն որոշմամբ օրենքով սահմանված ժամկետում չկատարված հարկային պարտավորությունը ԱԱՀ-ի գծով կազմում է 17.262.764 դրամ, որից ապառք՝ 6.776.355 դրամ, տույժ՝ 3.710.054 դրամ, տուգանք՝ 6.766.355 դրամ, որն առաջացել է Կարինե Սամվելի Մխիթարյանի և Ռոբերտ Արամի Գյոթգյանի կողմից անշարժ գույքի օտարման կրկնակի գործարքների արդյունքում և տվյալ գործարքներից բխող հաշվարկը օրենքով սահմանված ժամկետներում հարկային մարմին չներկայացնելու, հարկային պարտավորություններ սահմանված ժամկետներում չվճարելու հետևանքով իրավահարաբերության պահին գործող <<Հարկերի մասին>> ՀՀ օրենքի 23-րդ և 24-րդ հոդվածների համաձայն հաշվարկված տույժերից

և տուգանքներից, իսկ 01.01.2018 թվականից հետո ՀՀ հարկային օրենսգրքի 401-րդ և 402-րդ հոդվածներով հաշվարկված տույժերից և տուգանքներից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի և տուգանքների հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և հասարակական կարիքների բավարարման նպատակով Հայաստանի Հանրապետության պետական և համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ Օրենսգրքով սահմանված կարգով, չափերով և ժամկետներում: Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:


Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով, ՀՀ քաղաքացիական օրենսգրքի 1032 հոդվածի 2-րդ մասով, ինչպես նաև «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. Ֆիզիկական անձ Կարինե Սամվելի Մխիթարյանից համապարտության կարգով գանձել **17.262.764 ՀՀ դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ծառայություն:
3. Որոշման օրինակը եռօրյա ժամկետում ուղարկել ֆիզիկական անձին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:

5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ստացա որոշման օրինակը _____
ստորագրություն _____ հարկ վճարողի /կամ ֆիզ. Անձի/ պաշտ անձի անուն ազգանուն _____ ամսաթիվ _____

Կապ.՝ ԻՎ ՀԳ բաժնի
գլխավոր մասնագետ,
Ա. Ենոքյան Հեռ. 011549191/ներքին՝ 9171/